



趙城縣廣勝寺

大宋新譯三藏聖教序

曲

太宗神功聖德文武皇帝製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰靈山貝葉若銀臺之耀目歲月煙蘿起香界之自速巍巍罕測杳杳難名所以道資十聖德被三賢至道起於乾元衆妙生乎太易摠繁形類鑿鑿昏明絕彼是非開茲蒙昧有西域法師天息災等常持四忍早悟三乘翻

大宋新譯三藏

聖教序

曲

葉之真詮續入天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌軌而彌光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪猥啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆愆調御四衆積行十方澍花雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閑豈堪序文以示來者如縻螢燭火不足比之於皎日將微蠶量海未能窮盡於深淵者哉繼作聖教序

御製

高明肇分三辰方乃序其次厚載初定萬彙於以發乎端清濁之體既彰

善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏覩太宗神功聖德文武皇帝法性周圓仁慈普布化變貊則萬邦輻湊躋蒸民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其邃宇校彼真文命天生之高僧譯貝多之佛語象管翻成於金字珠編復置於琅函龍宮之聖藻惟新鷲嶺之苾芻仰歎由是三乘共貫四諦同圓盡苦空真正之言顯秘密精研之義讚相相乎實相論空空乎盡空華嚴之理合軌轍金像之教同規矩朕續嗣

丕構恭臨寶圖常翼翼而撫地民每兢兢而守先訓以至釋典尤未精詳諒其幽深

曷能探測有譯經西域僧法賢奏章懇切致意專勤以先皇帝大闡真風高傳佛旨興前王之墜典振覺路之頽經欲旌天造之功庸用廣聖文之述作請予製序繼聖教焉自聖考上僊追躰罔息政事之外何暇經心今已禪除思臻微輿雖幼承慈誨奈夙乏通才焉窮乎法海之津涯莫造乎空門之闡域略敷大意以徇輿情蹄涔不足擬浴日之波尺箒豈能量昊天之星聊述短序以紀聖功者焉

佛說大集會正法經卷第一

西天譯經三藏朝奉大夫試鴻臚卿傳法師自護奉詔譯

如是我聞一時佛在王舍城鷲峯山中與大苾芻眾萬二千人俱尊者阿惹憍陳如尊者摩訶目犍連尊者舍利子尊者摩訶迦葉尊者思勝尊者羅睺羅尊者善容尊者賢護尊者賢吉祥尊者月吉祥尊者大勢至尊者滿慈子尊者善吉尊者哩縛諦尊者栴檀軍如是等皆大阿羅漢是時有善

薩摩訶薩其名曰慈氏菩薩摩訶薩普勇菩薩摩訶薩童子吉祥菩薩摩訶薩童子住菩薩摩訶薩童子賢善薩摩訶薩無所滅菩薩摩訶薩妙吉祥菩薩摩訶薩普賢菩薩摩訶薩現菩薩摩訶薩金剛軍菩薩摩訶薩藥王軍菩薩摩訶薩如是等六萬二千菩薩摩訶薩眾復有取勝樹天子賢天子善賢天子法愛天子栴檀藏天子香住天子栴檀香天子如是等一萬二千天子眾復有妙身天女極信天女自在主天女吉祥目天女卅吉祥天女大卅主天女大力天女妙臂天女如是等八千天女眾復有優鉢羅龍王佉羅鉢怛囉龍王底民譏綵龍王勝器龍王最上器龍王妙喜龍王妙枝龍王象頭龍王如是等八千龍王眾俱來集會到佛所已成各頭面礼卅尊足右繞三匝退坐一面是時卅尊默然而住

尔時會中有菩薩摩訶薩名曰普勇即從座起偏袒右肩右膝著地合掌恭敬而白佛言卅尊此會菩薩及諸

大集經卷第一 第幾 冊字號

聲聞天人眾等悉皆來集樂欲聽佛
宣說妙法此諸大眾咸一諦觀如來
應供正等正覺殊善色相樂入佛法
以樂法心觀佛相故久修習者即能
遠離一切障染初修習者即發無上
修善法心不復甦起諸不善想作是
白已

尔時佛告普勇菩薩言我有正法名
大集會於閻浮提廣大流布若有眾
生甦得聞者是人設有五逆重罪皆
得銷滅不復退轉於阿耨多羅三藐
三菩提普勇於汝意云何汝謂是人
得聞法者所獲福聚與一佛等普勇
菩薩白佛言如是世尊佛言普勇汝
莫作是見作是見者非真實見普勇
菩薩復白佛言世尊當云何見即知
是人真實福聚佛言普勇彼聞法者
所獲福聚與苑伽沙數量如來應供
正等正覺所有福聚等無有異又復
普勇若有聞是正法者一切皆任不
退轉地即得一切如來常所觀察一
切如來常現在前降伏魔軍圓滿善
法是人即能於生滅理皆悉了知一

大集經卷第一 第幾 冊字號

切皆得成就阿耨多羅三藐三菩提
尔時會中諸菩薩眾從座而起俱白
佛言世尊如一佛福聚其量幾何佛
言諸善男子汝等諦聽一佛福聚所
有數量譬如有入竭大海水盡灑閻
浮於此水中唯取一席作一苑伽河
沙數量如是一席而復一席窮大海
水一一席成一苑伽河此一河滿
中沙數盡為菩薩皆住十地彼諸菩
薩所有福聚寧為多不諸菩薩眾俱
白佛言甚多世尊佛言諸善男子一
佛福聚復多於彼有聞法者轉倍是
數又復諸善男子若有眾生於後末
世聞是正法生信解心所獲福聚轉
增於彼無量無邊不可稱計

尔時普勇菩薩復從座起而白佛言
世尊諸有眾生樂求法者當云何求
佛言普勇諸求法者略有二種一者
於一切眾生起平等心二者如所聞
法為眾生說普勇菩薩白佛言世尊
如所聞法又復云何為眾生說佛言
普勇亦有二種一者以所聞法迴向
菩提二者於大乘法愛樂趣求而復

大集經卷第一 第幾 冊字號

長時心無懈退若能如是為眾生說
是得名為真求法者
尔時會中諸天子天女眾各從座起
住立佛前合掌向佛而白佛言世尊
我等深心樂求正法如佛世尊大慈
大悲能滿一切眾生心願願為我等
廣分別說

尔時世尊即於會中放大希有淨妙
光明普照大眾是時普勇菩薩白佛
言世尊以何因緣放是光明佛告普
勇菩薩言汝今當知今此會中有發
阿耨多羅三藐三菩提心者於佛世
尊生難遭想尊重恭敬勸請說法以
是因緣放斯光明普勇菩薩復白佛
言世尊諸有眾生發阿耨多羅三藐
三菩提心者云何修習而能成就佛
言善哉善哉汝大勇猛於大眾中能
以此義問佛世尊利益一切疾成佛
道汝今亦能以此善根成就阿耨多
羅三藐三菩提如汝所問今為汝說
汝當諦聽我念往昔過阿僧祇劫有
佛出世號寶吉祥如來應供正等正
覺明行足善逝世間解無上士調御

丈夫天人師佛世尊我於彼時為摩
拏縛迦令諸眾生安住佛智忽於一
時見一鹿王受諸苦惱我於是時竊
作是念云何當能代此鹿王而受諸
苦復自思惟一切眾生輪轉三界未
離苦者皆亦如是即發願言願我當
來得成佛已一切眾生離諸苦惱生
我佛刹安住佛智普勇我以如是善
根大願力故即得阿耨多羅三藐三
菩提

余時普勇菩薩聞是說已復白佛言
世尊彼佛世時眾生壽量其數幾何
佛言眾生壽量滿八十劫普勇菩薩
又復問言以何劫量而登彼壽佛言
普勇彼劫量者譬如有人造一大城
廣十二由旬高三由旬於彼城中置
以胡麻悉皆充滿忽有一人百年一
來取一胡麻而擲於外如是一來一
擲乃至胡麻擲盡城亦破壞此劫數
量亦復未盡又復譬如有一大山廣
二十五由旬高十二由旬有長壽天
百年一來一坐其上以倚尸迦衣拂
其山石如是一來一拂乃至彼山拂

大集會正法經第一 第七卷

佛字

盡其劫數量亦復未盡普勇如是名
為劫量是時普勇菩薩又白佛言世
尊者人以一善根迴向菩提獲大福
聚得壽命八十劫何況有人於佛深
妙法中廣大修習其所得福不可稱
計佛言普勇若有眾生得聞是大集
會正法者所獲壽命八萬四千劫何
況更能於此正法書寫讀誦彼獲福
聚轉倍於前不可等比又復普勇若
人聞此正法起淨信心恭敬尊重是
人九十五劫得宿命智六萬劫為轉
輪王為一切人之所尊重悉皆愛敬
不為刀杖毒藥所能侵害臨命終時
有九十五俱胝佛面現其前安慰彼
人作是告言勿生怖畏汝先已聞大
集會正法有大福聚是時彼九十五
俱胝佛皆為授記一一來生我佛刹
中何況以此正法令盡有情界廣大
流布皆悉得聞普勇菩薩復白佛言
世尊我今於此大集會正法樂欲聽
受心無厭足佛言善哉善哉非唯汝
心樂法無厭我於此法喜大宣說亦
復無厭何況諸凡夫類於此正法起

佛字

佛字

佛字

厭足心又復普勇若有善男子善女
人於此正法深信樂是人於千劫
中不壞正信五千劫中不墮惡趣萬
二千劫中遠離愚癡八十劫中不生
邊地二萬劫中勇猛布施二萬五千
劫中常生天界二萬五千劫中常行
梵行四萬劫中遠離眷屬之所癡縛
不為煩惱所能昏蔽五萬劫中受持
正法六萬五千劫中安住正念普勇
彼善男子善女人更不復起作罪業
心一切魔惑不能侵害在在所生不
處胎藏又復有人於此正法聽受讀
誦是人八萬劫中得聞持具足於千
劫中離殺生業九萬九千劫中離妄
語業一萬三千劫中離兩舌業普勇
當知以是事故此大正法不可得遇
至於名字亦不可得聞
余時普勇菩薩摩訶薩益加恭敬右
膝著地禮世尊足前白佛言世尊者
有人於此正法生輕謗者是人得幾
所罪佛言甚多普勇菩薩復白佛言
彼所獲罪其數幾何佛言普勇若人
於十二殞伽沙數諸佛所起大惡心

法華經疏卷第一 第十一 出字

其罪尚輕若於是正法起輕謗心者其所獲罪甚多於彼何以故普勇若人於彼正法起輕謗者是即發起破大乘心以煩惱火而自焚燒普勇菩薩復自佛言世尊一切衆生業習所纏輪轉生死不能解脫佛言普勇如是如是譬如有人自斷其頭時有一人持以良藥所謂摩訶迦良藥摩尼那縛良藥渴哩多縛良藥帶梨那縛良藥如是等良藥塗所斷頭普勇於汝意云何汝謂是人還活其命不普勇菩薩白佛言不也世尊是人雖塗良藥其何能活普勇彼輪轉者亦復如是復次普勇譬言如一時有二丈夫各持利刃互欲害命以力相敵故俱不能害唯致瘡損苦痛亦甚時忽有人持以良藥為塗其上其瘡即愈彼二丈夫既得愈已憶念往昔互相謂言我等從今不復更起相殺害心普勇諸有智者亦復如是雖復造業即能追悔而於正法不生棄背如是漸能趣向一切離生死法

法華經疏卷第一 第十一

復次普勇如世間人捨壽報已雖有父母憂惱啼泣而更不能為依為怙彼凡夫類不能自利亦不利他不造善業亦復如是臨命終時無所依怙略有二種一者自造諸不善業復勸他作二者於佛正法起輕謗心普勇菩薩復自佛言世尊若有於佛正法生輕謗心者是人命終當墮何處佛言普勇彼謗法者命終已後當墮地獄受大苦惱所謂大可怖地獄衆合地獄炎熱地獄極炎熱地獄黑繩地獄阿鼻地獄增摩訶哩沙地獄呼尾地獄如是等八大地獄中一一地獄受一劫苦普勇菩薩復自佛言甚苦世尊我今於此不忍聽聞尔時世尊即為普勇菩薩說伽陀曰我所說地獄汝怖不忍聞彼地獄苦惱衆生業自造若作諸善業定獲安樂果作諸不善者必得苦惱報生苦與死苦憂苦等纏縛不造諸樂因愚人常苦惱智者得安樂信樂大乘法念佛取上智永不捨惡趣普勇汝當知前前世業感少種一善因定獲廣大果如世種增長

法華經疏卷第一 第十一 出字

百穀皆無失善因生佛利獲果亦如是智者修善法遠離諸苦因彼成衆德本獲取上安樂若能平等施善法一毫量於八萬劫中獲廣大財富在在所生處常念行布施以施三寶故展轉報無盡今時普勇菩薩聞佛說是伽陀已即自佛言世尊云何於此大集會正法乃能了知而得聽受佛言普勇若人於十二殞伽沙數如來應供正等正覺所圓滿善根即得聽聞此大集會正法普勇菩薩復自佛言世尊云何能得如是善根圓滿佛言普勇若能於一切如來平等知見是即善根圓滿普勇復言云何能於一切如來平等知見佛言若於法師尊重恭敬是即能於一切如來平等知見普勇又言而復云何於法師尊重恭敬佛言若人於出世道發趣向心是即於法師所尊重恭敬普勇如是等皆能圓滿善根佛言普勇此大集會正法有大功德利益一切若人能聽受書寫讀誦者是人獲大福聚不可稱計普勇正使

四方一方各有十二殞伽沙數如來應供正等正覺皆住十二劫說此大集會正法聽受功德而不能盡又復四方各有如上殞伽沙數如來應供正等正覺皆住如上劫說此書寫功德亦不能盡又復四方各有如上殞伽沙數如來應供正等正覺皆住如上劫說此讀誦功德亦復不盡普勇菩薩白佛言世尊願佛略說讀誦福聚其數幾何今時世尊即說伽陀曰若人能讀誦一四句偈者彼所獲福聚與彼八十四殞伽沙數佛福聚等無異何況能一心安住於正法彼福聚無盡諸佛出於世宣說無邊法而實難得值今時有十八俱胝尼乾陀眾來詣佛所咸入會中各坐一面作如是言瞿曇我等勝汝如是三復皆作是言我等勝汝

是時佛告諸尼乾陀眾言唯佛如來得真勝名於一切處無能勝者尼乾陀言汝一瞿曇云何得勝佛言若汝尼乾陀定計勝者是顛倒見非真實見汝等以何為勝志汝等說是時尼乾陀眾咸一默然手竊相視佛言汝等當知唯佛世尊於一切眾生若已入佛慧若未入佛慧利根鈍根咸使得度平等利益無有差別是可名為無能勝者汝善思惟於自身心諸苦所逼尚不能知云何而能於此稱勝我今示汝諸佛微妙廣大正法諸尼乾陀眾聞佛是言已忽大瞋恚生不信心是時帝釋天主居善法堂以天眼見即持金剛杵來入會中而欲破壞諸尼乾陀眾咸皆驚怖生大憂惱啼泣良久即時世尊於大眾中隱身不現諸尼乾陀眾於佛世尊方生瞻仰忽不見佛轉增憂苦即說伽陀曰譬如人獨處空寂曠野中無父復無母恐畏無救者如江河無水游魚無所依樹木皆摧折飛禽無所止我等今怖畏苦惱亦如是不見佛世尊誰為救護者是時諸尼乾陀眾說是伽陀已欲從座起彼二膝輪適按地時其所按地忽發大聲普震一切人天大眾諸尼乾陀咸作是念如來最勝二足尊者唯願慈悲救度我等

今時世尊即時現身還復本座告普勇菩薩言汝可為諸尼乾陀眾說法化度普勇菩薩白佛言不也世尊譬如須彌山王殊妙高顯有小黑山而居其側云何可言相與等比今佛世尊居大眾中遣我說法亦復如是佛言止止善男子如來方便善巧於十方世界隨所說者皆是如來慈悲願力之所建立此諸尼乾陀等欣樂於我我當為說無上法要普勇汝今可往十方世界親近諸佛宣揚法化普勇菩薩白佛言世尊我神通力而甚微小非佛大慈假我神力終不能行佛言普勇汝今以自通力及佛神力如是可往普勇菩薩承佛聖旨即從座起繞佛三匝忽於會中隱身不現今時世尊告諸尼乾陀眾言汝等當知所謂生為大苦由生苦故起諸怖畏謂生有病怖有病怖故而有老怖有老怖故即有死怖生何緣怖謂為眾苦之所逼故以生為因即有諸怖生法若無怖從何起由是即有囉惹難怖陬囉難怖惡毒難怖火難怖水

難怖風難怖乃至雷電等難怖及
 自作諸不善業怖如是等怖因生而
 有若了生法即離諸怖是時世尊為
 諸尼軋陀眾略說是怖畏法已時諸
 尼軋陀眾廓然開悟悔過自責俱白
 佛言世尊我等愚癡起不正見背真
 實道違佛正法深為過各願佛慈悲
 攝受我等作是言已時十八俱胝尼
 軋陀眾俱發阿耨多羅三藐三菩提
 心即時為十八俱胝大菩薩眾一一
 皆得圓滿十地乃以神通力各現種
 種神變及現種種身佛身菩薩身
 緣覺身聲聞身乃至天人龍神一切
 趣類等身已復各自變寶蓮華座
 等分其半於佛左右禮佛足已各坐
 其座

佛說大集會正法經卷第一

佛說大集會正法經卷第一

校勘記

- 一 底本，金藏廣勝寺本。
- 一 二三〇頁中一行至次頁中一三行
 兩篇聖教序文，**南**、**徑**、**清**無。
- 一 二三〇頁下一行首字「葉」，**資**、**磧**
 作「貝葉」。
- 一 二三一頁上二〇行第五字「朕」，
資、**磧**、**麗**作「朕」。
- 一 二三一頁中一五行譯者，**徑**、**清**作
 「宋西天三藏朝奉大夫試鴻臚卿
 傳法大師施護奉詔譯」。以下各卷
 同。
- 一 二三一頁中二〇行「善容」，**資**、**磧**、
普、**南**、**徑**、**清**作「善客」。
- 一 二三一頁中二一行「月吉祥」，**資**、
磧、**普**、**南**、**徑**、**清**作「目吉祥」。
- 一 二三一頁下一五行「侯羅」，**資**、**磧**、
普、**南**、**徑**、**清**、**麗**作「伊羅」。
- 一 二三三頁上一六行「十二」，**徑**作
 「二十」。

一 三三五頁中一〇行「來入」，**磧**作
 「求入」。



佛說大集會正法經卷第二

西天譯經三藏經卷之三藏經目錄卷之三

劫

爾時世尊化諸尼乾陀衆已即以方便善巧善說法心住三摩呬多舒金色臂經七晝夜乃至普勇菩薩遊十方世界廣作佛事已來還此土是時普勇菩薩從彼蓮華上佛刹譬如力士屈伸臂頃到於佛前禮佛足已右繞三匝住立一面是時世尊出三摩呬多已普勇菩薩前白佛言世尊我承佛旨往彼十方世界以自神通力過九十九千俱胝佛刹以佛神通力又過百千俱胝佛刹乃至寂後到下方蓮華上世界其中過八千俱胝佛刹見彼諸佛現大神通又過九十二千俱胝佛刹見諸如來現為衆生說深妙法又過八十千俱胝佛刹於一時中見八十千俱胝如來應供正等正覺出現於世我時於彼一一佛前恭敬供養又過三十九俱胝佛刹見三十九千俱胝菩薩摩訶薩同時出現皆證阿耨多羅三藐三菩提我即

大集會正法經卷第二 第三張 佛

於彼初成道者如是等如來應供正等正覺所一一恭敬禮拜供養已即復以自神通力隱身不現又過六十俱胝佛刹見諸如來一一恭敬又過百俱胝佛刹見彼諸佛入般涅槃我時還復一一於彼恭敬供養從是復過九十五佛刹知彼如來皆久滅度所有正法將欲滅壞我於是時竊自思惟此佛正法將欲滅壞深為大苦作是念已生大悲愍是時復有欲色界天人龍神夜叉等皆大憂惱又見其中有一佛刹彼佛正法久已滅盡劫火熾然從四面起乃至大地須彌山王大海江河一切樹木皆悉已焚無所依止唯一空界蕩然無際過是刹已即到下方於一世界見百千俱胝如來各坐寶蓮華座又見四方亦復如是彼等諸佛各各現為一切衆生說法化度世尊我既到彼佛刹已即作是念今此佛刹名字何等彼有一佛而告我言善男子今此佛刹名蓮華上我時即問化主世尊其名若何彼佛答言名蓮華藏如來應供正

大集會正法經第二 第三張 學字

等正覺我於今時普皆作禮一心恭敬作是白言我今見此百千俱胝那庾多佛一一皆處寶蓮華座而復不知何者即名蓮華藏佛唯願示我化主世尊時彼蓮華藏如來於多佛中發是告言善男子蓮華藏佛即我身是作是言已彼諸佛等而各忽然隱如來身現菩薩相我當是時唯見化主蓮華藏如來一佛世尊居大眾中相好威神無能勝者即以頭面作禮恭敬是時彼佛指蓮華座而謂我言善男子可就此座我於今時既就座已即見彼佛於其左右復有無量寶蓮華座殊妙莊嚴甚為希有忽作是念如是等座云何皆空無能登者乃問彼佛而答我言善男子如此等座皆是不可思議上妙功德之所建立非少善根所能成就若人於佛法分有未入者尚不能見况復能登我時又問世尊當種何善根於此等座而乃得昇彼佛答言善男子若有人能於此大集會正法聽受者以是善根得昇此座何況更能書寫讀誦常

大集會正法經第二 第四張 學字

所修習善男子汝於過去無量劫來已能受持如是大集會正法若不以此善根力故我此佛刹亦未能到况復得見此座而欲昇耶彼佛作是言已我即白言如是如是世尊我復又問彼佛此大集會正法有幾所功德而能生諸善法

爾時彼蓮華藏如來亦放希有淨妙光明普照佛會已而謂我言善男子汝大菩薩得大勢力智慧無礙能於一切諸佛刹土為諸眾生稱揚佛事汝先已曾問彼娑婆世界釋迦如來今以是法還復問我我當為汝亦分別說譬如有入於四大洲置以胡麻悉皆充滿如是相合都為一聚是為多不我即答言甚多世尊時彼佛言假使有人取一胡麻置於他處如是從一至一欲知其數善男子於汝意云何是人可能知其數不我復答言不也世尊是人雖竭其力經於多劫終不能知如是數量彼佛又言善男子此大集會正法所有福聚亦復如是是非算數譬喻之所能知正使如上

大集會正法經第二 第五張 學字

所說數量一一皆是諸佛如來復經俱胝那庾多劫稱量讚歎此大正法聽受功德亦不能盡何况有人書寫讀誦其福甚多我復又問若書寫者得幾所福願佛略說時彼佛言善男子譬如三千大千世界所有草木叢林盡取斷為一拍節量一一量數皆是轉輪聖王又如三千大千世界所有土石盡碎微塵一一塵數皆是轉輪聖王如是等所有福聚若算師等欲知其數汝謂是人知其數不我時答言不也世尊如是福聚雖算師等亦不能知彼佛又言若有書寫此大集會正法者所獲福聚亦復如是復多於彼算數譬喻所不能知但能於此正法書寫一字是人所獲福聚已勝於彼况復有人於此正法受持一四句偈是人功德不可稱計一切寶藏常所出現一切煩惱皆得銷滅一切法炬光明普照一切天魔無能勝者一切菩薩盡所觀察一切法門皆悉能入彼佛作是說已我即白言世尊若有眾生能於如是大集會正法

修正行者乃得名為最上梵行而彼
梵行即如來行者勤修習無間斷者
是人即得百佛如來於晝夜中常現
在前若見如來即入佛刹入佛刹已
一切法藏皆能了知我於余時作是
言已彼蓮華藏佛又告我言善男子
諸佛如來時一出現若得遇者是亦
為難說此正法復甚為難得聞持者
轉復甚難何以故若有聞此正法者
是人於六十萬六千八百劫中或得
宿命智或為轉輪王帝釋淨光大
梵世主等能不壞正信不墮諸惡趣
不生阿修羅無刀杖鬪諍又復遠離
愚癡得大智慧相好端嚴猶如諸佛
一一色相等無有異不為眷屬癡心
所纏常離病苦常得天眼不為邪識
不生瞋恚又常遠離一切貧窶為銅
輪王受大快樂諸根圓滿忍辱具足
乃至臨命終時正念現前心不顛倒
即時東方有十二殑伽沙數佛面現
其前南方有二十殑伽沙數佛西方
有二十五殑伽沙數佛北方有八十
殑伽沙數佛上方有九十千俱胝佛

下方有百俱胝佛如是等諸佛皆為
現前安慰其人咸作是言汝善男子
勿生怖畏汝先已能有大功德而為
依怙汝今見此百千俱胝那庾多殑
伽沙數佛世尊不彼答言見時諸佛
言善男子此諸如來以汝功德力故
俱來至此彼人復言我今以何善根
力故而獲如是彼諸佛言以汝久聞
大集會正法大善根力彼人又言如
我一人得聞正法尚獲如是無量功
德何況能令盡有情界普得聞知時
蓮華藏如來廣說彼臨命終人見諸
佛已又告我言善男子若人得聞此
大正法一四句偈者與彼供養十三
殑伽沙數如來應供正等正覺所獲
福聚等無有異又若有人得聞此大
集會正法者所有福聚譬如徧滿三
千大千世界悉置胡麻是等麻量一
一皆是轉輪聖王假使有人以諸珍
寶各行布施如是輪王所獲福聚不
如唯施一須陀洹若施一須陀洹不
如施徧滿三千大千世界如前數
量須陀洹若施如是須陀洹不如施

一斯陀含若施一斯陀含不如施徧
徧滿三千大千世界如前數量斯陀
含若施如是斯陀含不如施一阿那
含若施一阿那含不如施徧滿三
十大千世界如前數量阿那含若施
如是阿那含不如施一阿羅漢若施
一阿羅漢不如施徧滿三千大千
世界如前數量阿羅漢若施如是阿
羅漢不如施一緣覺若施一緣覺不
如施徧滿三千大千世界如前數
量所有緣覺若施如是緣覺不如施
一菩薩若施一菩薩不如施徧滿
三千大千世界如前數量所有菩薩
若施如是菩薩不如於一如來發淨
信心布施供養若於一如來信心供
養不如於徧滿三千大千世界如
前數量一切如來信心供養雖於如
是一切如來信心供養不如有人於
此大集會正法暫得聞持所獲福聚
倍多於彼何況更能書寫讀誦如是
功德不可稱計是時彼佛又告我言
善男子汝可於此正法發淨信心宣
揚流布諸凡夫類於此正法不能得

大集法華經第二 第九卷 佛字長

聞設有聞者生疑不信如何能入此
大法聚譬如有人入於大海而欲盡
見其水邊際汝謂是人而能見不我
即答言不也世尊又如有入臨於大
海以手勺水欲盡枯涸汝謂是人而
能成不我復答言不也世尊是等愚
人雖於海水欲知邊際欲盡枯涸終
不能就徒自疲勞深為大失時彼佛
言諸凡夫類亦復如是於此正法不
能聽受於生死海妄生顛倒增長愚
癡深為大失是人雖經百千俱胝那
庖多如來應供正等正覺出現於世
不種善根不得見佛不聞是法不為
諸佛之所護念若有智者能於百千
俱胝那庖多佛所發淨信心見彼諸
佛生大歡喜乃從諸佛得聞是法聞
是法已即如寶知不生輕謗是人得
大善利即為諸佛共所護念若人於
此正法能聽受書寫一四句偈者是
人當生過九十五千俱胝佛刹已得
生極樂世界見佛聞法壽命八萬四
千劫彼蓮華藏佛復告我言若人於
五逆罪或自所作或教他作或見聞

大集法華經第二 第十卷 佛字長

隨喜是人當受五無間苦若有得聞
此大集會正法一四句偈即得銷滅
如是等業是時彼佛即復為我宣說
伽陀

汝今聽我說聞此經功德 往劫有一人
具造五種業謂殺父害母破和合僧伽
毀菩薩三昧壞如來正智彼人作是罪
後即生追悔憂惱復啼泣心生如是念
我造眾惡業非唯壞此身後世及多劫
其身皆破壞從苦生於苦苦受轉復深
遠離眾善友為世所輕誚世出世間法
我悉皆已焚無量劫善因破壞不增長
如世間舍宇眾彩所莊嚴而忽為火焚
人皆絕愛樂我作罪亦然此世與他世
為業火所焚自他非愛樂在在世所生
人譏罵捶打常貧困飢渴苦惱眾所侵
如是等報應非別因所感皆從五業生
不善果無失我今苦既然誰為救護者
親友力不能一切無依止復作是思惟
我不如今時往彼高山頂墜身終此命
免增長惡業轉生於苦惱此世及他世
為惡業所壞內既無依怙身外亦復然
現為過失因當受極惡報彼作是念已

大集法華經第二 第十一卷 佛字長

而復自啼泣即時虛空中有天入告言
悲哉汝愚癡心生諸苦惱無歸復無救
汝自作五業殺父害母等苦惱今自受
何故作是思欲高山殞命我今勸於汝
勿起愚癡見但生悔過心何須損身命
貪瞋癡三毒從汝心所生惡趣中苦惱
無由得免離雖欲絕身命不得名精進
此處命速盡後惡報速生汝今聽我言
為汝設方便佛菩薩聖道汝未能趣向
今可往一山仙人修行處汝當親敬禮
彼能為救護有眾勝方便謂上妙正法
能離諸怖畏銷除極惡業彼人於是時
聞空中言已即詣於山中仙人修行處
到已見一仙即時頭面禮合掌白是言
願仙救護我我怖畏苦惱造極重五業
必墮於惡趣云何得免離我於晝夜中
飲食及坐卧常憂生苦惱暫時無少樂
我今於仙人人生信心尊重如我所問者
願仙為我說我造眾惡業如何得銷滅
時彼仙答言汝問我當說是時彼仙人
食已濯手足即跏趺而坐聽彼親自首
彼人時右繞禮仙而退坐白言我愚癡
殺父及害母破和合僧伽毀菩薩三昧

壞如來正智造此五種業彼仙聞是說
 即時而謂言汝實不善人作如此等罪
 彼人聞仙言又復生憂惱恐畏無所救
 必當墮惡趣是時從座起禮彼仙人足
 轉復生恭敬作如是白言仙人悲念我
 極重惡業者疑惑苦惱深唯願作依怙
 我雖如是悔無出離方便仙人大慈悲
 令我罪銷滅仙聞是說已安慰彼人言
 汝今勿怖畏我能為救護一心開導汝
 令汝離眾苦得重罪銷滅我即是所歸
 佛有妙法門名為大集會是眾上方便
 汝昔曾聞不彼人答仙言我昔未曾聞
 仙人復告言哀哉罪業者如火已焚
 誰當為說法我今以悲心示汝微妙法
 汝今當善聽我念往昔時過無量無邊
 阿僧祇數劫時有一囉惹無垢月為名
 眷屬甚熾盛以正法治世囉惹於一時
 而生育一子即令召相師觀彼善惡相
 乃問相師言今我此一子為善為惡相
 汝觀當云何相師前白言恠哉此一子
 如我所觀者其相極不善囉惹復謂言
 不善相云何如汝所觀相諦實為我說
 相師作是白此子至七歲當起癡害心

斷於父母命囉惹復告言其相雖如是
 寧棄我身命此子終不壞我若弃是者
 當不復人趣即令諸眷屬善養育我子
 其後彼童子不久漸長大是時無垢月
 憶彼相師言即生如是念今我業恐至
 有何所恠惜既作是念已乃勅令童子
 汝今繼我位復謂童子言汝今當諦聽
 今我此境界廣大復殊異如日月照世
 富貴而自在今我此提舍悉當付於汝
 我於此境中不復為所有時諸臣僕等
 忽聞是事已來詣無垢月咸作是自言
 我尊今何故弃捨於境界其事知云何
 願尊為我說無垢月答言汝等今當知
 付提舍與子亦非無因緣我念於往昔
 囉惹名蓮華境界甚廣大自在而富貴
 而彼於一時亦生於一子其年漸長大
 即害其父母我今若不以此提舍與子
 當如彼蓮華受無量苦惱我常自思惟
 不應生後悔以是因緣故我今當付彼
 是時彼仙人為造五業者說是因緣已
 復告彼人言汝今造五業極重過於彼
 我生悲愍心為汝設方便汝可詣佛所
 聽大集會法若得聽受者罪業皆銷滅

所有煩惱障悉皆得無礙以聞正法故
 免墮於惡趣若人能一心聽大集會法
 一四句偈者獲無量福聚滅五逆重罪
 得廣大果報一切諸蓋纏剝那能解脫
 時彼造業者聞仙所言已即合掌恭敬
 一心頭面禮作如是讚言善哉善知識
 能引示於我大集會法門仙人說此已
 時有萬二千諸天子眾等來詣仙人所
 各恭敬合掌頭面禮仙足復有四俱胝
 諸大龍王眾亦來詣仙所以頭面禮足
 又有萬八千俱胝夜叉王來詣於仙所
 亦頭面禮足俱白如是言善哉大仙人
 深了諸佛法善開天界門及滅億僧祇
 三塗受苦趣稱揚大集會微妙眾上法
 有殊勝功德能息諸重罪若人於一偈
 隨喜而聽受乃可得名為深種善根者
 何況更一心生尊重恭敬以華鬘塗香
 栴檀末香等珍寶蓋幢幡供養此正法
 自作及勸他見聞生隨喜所獲諸福報
 廣大無有窮善哉汝仙人真實具悲者
 天子龍王眾及夜叉王等作是稱讚已
 禮仙而不現
 尔時普勇菩薩於釋迦牟尼佛前

大集正法經第二 第十五卷 佛學

廣說蓮華藏如來稱讚大集會正法如是功德已合掌恭敬前白佛言世尊者復有人於此正法但能合掌頂禮恭敬所獲善利而復云何佛言普勇是人所獲福聚亦復無邊譬如無熱惱池龍王所居而彼宮殿日所不照有五大河池水流出無有窮盡假使有人欲知池水一一滴數汝謂是人而能知不普勇自言不也世尊佛言此大集會正法所有善根廣大無比亦復如是假使有人欲知此法功德限量縱經千劫終不能盡又復普勇此法甚深難解難了一切如來所共尊重若復有人須臾聽受即得如是廣大利益普勇菩薩復白佛言世尊彼五大河其名何等佛言五大河者所謂琬伽河細多河嚩芻河閻牟那河贊捺囉婆訛河此五大河一一各有五百小河而共圍繞其水流注入于大海彼五大河一一河中而復各有一大龍王所謂歡喜龍王商珂龍王縛漢底龍王呬囉西那龍王法思惟龍王如是等龍王各與一千

大集正法經第二 第十六卷 佛學

眷屬俱於閻浮提時降甘雨百穀苗稼皆悉滋茂乃至山川溪壑林藪泉池華卉菓蔬枝葉根莖雨之所及無不豐足普勇當知若有眾生於此正法起不善語業而生輕謗彼所獲罪無量無邊又復若有眾生於此正法發善語業而行讚歎彼所獲福聚亦無量無邊是人即能親近善友得見如來若得見佛即能銷滅一切罪障普勇譬如四大洲中有鐵輪王為一洲主威猛自在廣大快樂復能利益一切人民今此大集會正法亦復如是於閻浮提中為諸眾生作大利益若不得聞此正法者是人不能成就阿耨多羅三藐三菩提不能住菩提場觀師子座轉大法輪擊大法鼓亦復不能入涅槃界放大光明普照世間普勇菩薩復白佛言世尊彼蓮華上世界蓮華藏如來所說仙人而能令彼造五業者得滅重罪我實不知居何等位願佛慈悲當為開示佛言普勇彼仙人者已得不退轉地久已成就大集會正法普勇當知諸佛語

大集正法經第三 第十七卷 佛學

言甚深微妙若有聞此正法深生信受是即見彼仙人亦同見彼琬伽沙等諸佛如來殊妙色相諸佛愛敬諸佛稱讚常所安住諸佛三昧而能通達如是大集會正法

佛說大集會正法經卷第二

講經孔目官月昧

請法華上生經百法田明論沙門日備講

請法華經經賜紫沙門日進講

請法華經起信論文章賜紫沙門日進講

請法華論全剛上生經彰法大師賜紫沙門日進講

請法華論宜法人師賜紫沙門日進講

請法華字學通惠大師賜紫沙門日進講

佛說大集會正法經卷第二

校勘記

- 一 底本，金藏廣勝寺本。
- 一 二三七頁中三行首字至末行末字「尔時……我即」，此段經文[資]、[磧]、[普]、[南]、[徑]、[清]相同於卷第三，二四四頁上三行首字至末行末字「尔時……施行亦」。
- 一 二四〇頁上二一行首字「生」，[資]作「上」；[磧]、[普]、[南]、[徑]、[清]作「至」。
- 一 二四一頁中三行第二字「不」，[磧]作「下」。
- 一 二四二頁上二一行「商珂」，[資]、[磧]、[普]、[南]、[徑]、[清]作「商珂」。

佛說大集會正法經卷第三 約

法華經三藏朝奉大夫試鴻臚卿僧正法苑旨義疏卷第三

尔時世尊告普勇菩薩言汝今諦聽我念過去無量無數阿僧祇劫前值遇十二俱胝如來應供正等正覺同名實上我於尔時修勇修行即以飲食衣服殊妙莊嚴瓔珞寶璣及諸華鬘塗香等一一供養彼等諸佛時諸如來皆與我授阿耨多羅三藐三菩提記普勇我復又念過去劫中值遇十八俱胝如來應供正等正覺同名實光我亦是時修勇修行亦以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇二十俱胝如來應供正等正覺同名頂生我亦是時修勇修行亦以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇二十俱胝如來應供正等正覺同名飲光我亦是時修勇修行亦

法華經三藏朝奉大夫試鴻臚卿僧正法苑旨義疏卷第三 第三法

以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇十六俱胝如來應供正等正覺同名無垢光我亦是時修勇修行為大長者甚大財富亦以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇九十五俱胝如來應供正等正覺同名能寂我亦是時修勇修行為大國王能以正法治於一切自在快樂世財無量亦以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇九十俱胝如來應供正等正覺同名作莊嚴我亦是時修勇修行為婆羅門有大寶藏於一時中盡捨所有辦如上等諸妙供具一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇十八俱胝如來應供正等正覺同名金仙人

法華經三藏朝奉大夫試鴻臚卿僧正法苑旨義疏卷第三 第四法

我亦是時修勇修行亦以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇十三俱胝如來應供正等正覺同名吉祥光我亦是時修勇修行亦以如上諸供具等一一供養彼等諸佛時諸如來亦皆與我授阿耨多羅三藐三菩提記普勇我復又念過去劫中值遇二十五俱胝如來應供正等正覺同名妙華我於尔時初發信心出家修道常行精進於如是等諸如來所一一恭敬承事供養如彼阿難等無有異時諸如來亦皆與我授阿耨多羅三藐三菩提記普勇我復又念過去劫中值遇十二俱胝如來應供正等正覺同名勝觀我時於彼亦復出家是時閻浮提中所有眾生悉皆大富七寶具足快樂無礙無一眾生受不足苦彼諸佛等既出于世廣為眾生宣說大集會正法我時於彼諸如來所恭敬尊重承事供養求授阿耨多羅三藐三菩提記時諸佛等皆不與

我授記我即自言諸佛世尊我於何時當得授記彼諸佛言善男子汝從是過阿僧祇劫有佛出世號曰燃燈彼佛世尊當授汝記我時聞是諸佛言已修善薩行轉復精進即時又過阿僧祇劫燃燈如來出現王世我時於彼為摩拏鱗迦名為勝雲修諸梵行得見彼佛生大歡喜恭敬尊重發希有心即持優鉢羅華七莖供養彼佛作是願言願我以此善根迴向阿耨多羅三藐三菩提是時燃燈如來於大眾中與我授記作如是言善男子汝於未來世過阿僧祇劫當得成佛名釋迦牟尼十號具足我於今時得授記已於彼佛前躡身虛空高十二多羅樹却復於地一心歡喜即時證得無生法忍普勇當知我於如是無數劫中修諸梵行種諸善根供養諸佛皆為圓滿諸波羅蜜故自圓滿已復令無數百千俱胝那庖多眾生悉皆圓滿如是一切諸波羅蜜法我於今日已得成就阿耨多羅三藐三菩提普為眾生廣大宣說取上

甚深微妙法門若有眾生樂見諸佛即現佛身而為說法若有眾生樂見菩薩即現菩薩身而為說法若有眾生樂見緣覺即現緣覺身而為說法若有眾生樂見聲聞即現聲聞身而為說法又復若在天趣即現天身而為說法若在人趣即現人身而為說法若在龍趣即現龍身而為說法若在夜叉趣即現夜叉身而為說法若在鬼趣即現彼身而為說法隨諸趣類一切眾生彼彼色相而為現身以善方便為宣妙法使無怖畏令深信解普勇我今何故以諸方便現種種身而為說法以諸眾生聞是法已於勝義諦得大慧持觀諸世間起無常想常念修行一切善法而能究竟離諸雜染真實善根無所損減我於長夜以是方便利益安樂一切眾生普勇如上說此大集會正法有如是功德於此會中有生疑者互相謂言正法果報為有耶為無耶阿耨多羅三藐三菩提為可得耶為不可得耶一切眾生為能度耶為不能

度耶有作是言如佛所說諸法實有因能生果果必從因種善因者善法何失有作是言諸法非有果報亦無因本自空何能有果因果既無妄言歸趣普勇一切眾生差別心行明闇相違因果自異彼正說者起真實見是即名為建立正法此人福報汝今聽說二十劫中不生北俱盧洲二十五劫中皆生三十三天彼天報盡乃生百千諸佛剎中見彼諸佛聽聞正法是人不得退轉於阿耨多羅三藐三菩提彼邪說者起斷滅見是即名為破壞正法此人罪報汝今復聽從此命終生大地獄受苦一劫如是一劫而復一劫正滿八劫一別生一大地獄於如是等八大地獄受大苦已復於九千二十八劫中尚於三惡趣展轉復生受大苦惱過是劫已雖得人身於萬六千劫中死母胎藏萬四千劫中舌根不具萬二千劫中為莽婆賓拏萬一千劫中生便無目普勇當知一切眾生無有窮盡若此界若他界若生緣若死緣若是處若非

大集正法華經第三 第七卷

約

處若可意若不可意唯心造作隨業
 發現或有眾生修諸善法得生天趣
 或有眾生為喜提故修諸行願或有
 眾生漸得究竟無上寂滅以是因緣
 諸佛如來為無數百千俱胝那由多
 眾生若已發趣若未發趣若天人龍
 神等說法化度於剎那頃無有休息
 尔時世尊當說法時復有八萬四千
 婆羅門眾九千俱胝外道尼乾陀
 等眾手相議言今沙門瞿曇居王舍
 城鷲峯山中普會大眾知說何等
 我等今者可共往彼相與論義正
 當是時諸婆羅門外道既相議已
 乃與無數眷屬來詣佛所是時世
 尊即於會中放大希有淨妙光明
 普照大眾時慈氏菩薩摩訶薩即
 從座起偏袒右肩右膝著地合掌
 恭敬前白佛言世尊非無因緣而放
 是光今此大眾咸欲聞知願佛慈悲
 為我等說佛言善男子汝今當知今
 此會中有無量眾皆來集會慈氏菩
 薩復白佛言世尊為何等眾若天眾
 耶若人眾耶若龍神夜叉等眾耶佛

大集正法華經第一 第八卷

約

言慈氏如汝所言皆來集會復有諸
 婆羅門外道尼乾陀等眾來入會
 中與我論義既調伏已我即當為如
 應說法彼八萬四千婆羅門九千
 俱胝外道尼乾陀等眾皆發阿耨多
 羅三藐三菩提心慈氏復有萬八千
 俱胝龍王眾來入會中聞我說法已
 亦皆發阿耨多羅三藐三菩提心復
 有六萬俱胝淨光天子眾三萬二千
 俱胝諸天魔眾萬二千俱胝阿修羅
 眾如是等皆來入會聽受正法復有
 諸大國王所謂歡喜王妙喜王取上
 喜王人仙王淨軍王梵音王善現王
 愛軍王喜軍王妙色王勝軍王增長
 王如是等五百大國王各與千俱胝
 眷屬俱皆來入會聽受正法一一皆
 住堅固阿耨多羅三藐三菩提心慈
 氏以是因緣放此光明
 尔時慈氏菩薩聞佛說是大眾集會
 於天人非人等中有發阿耨多羅三
 藐三菩提心者有聞正法生信受者
 生大歡喜禮佛足已右繞三匝即於
 會中隱身不現

大集正法華經第二 第九卷

約

是時諸婆羅門外道尼乾陀左羅迦
 波哩沒囉惹迦若天若龍乃至五
 百大國王等到佛所已隨自修敬各
 坐一面
 尔時東方有三萬俱胝大菩薩眾東
 南方亦復如是南方有五萬俱胝大
 菩薩眾西南方亦復如是西方有六
 萬俱胝大菩薩眾西北方亦復如是
 北方有八萬俱胝大菩薩眾東北方
 亦復如是上方有十萬俱胝大菩薩
 眾下方有九萬俱胝大菩薩眾如是
 等十方諸大菩薩眾一一皆已圓滿
 十地隨方而來入佛會中到佛所已
 各各頭面禮世尊足退坐一面
 尔時世尊告普勇菩薩言善男子汝今
 復往十方世界宣示諸菩薩眾作如
 是言如來今日當為眾生宣說大集
 會正法令彼十方一切菩薩合掌頂
 禮生隨喜心
 尔時普勇菩薩承佛聖旨即以頭面
 禮世尊足右繞三匝忽於會中隱身
 不現徧往十方世界隨一一方發大
 音聲作是唱言今娑婆世界釋迦牟

尼如來當為衆生宣說大集會正法
如是三復皆唱是言今娑婆世界釋
迦牟尼如來當為衆生宣說大集會
正法是時十方諸佛及諸菩薩皆聞
是言各各稱讚善哉善哉釋迦牟尼
如來能與衆生利益安樂及讚普勇
菩薩能於十方世界宣揚佛事
爾時普勇菩薩徧於十方世界宣示
諸大菩薩已一彈指頃還復此土住
立佛前禮世尊足退坐一面是時四
方有四風神王來入會中盡王舍城
所有境界過百由旬悉令清淨無諸
塵穢帝釋天主持金剛杵來入會中
諸魔外道懾然而視十方世界於虛
空中布大香雲降大香雨沉水栴檀
不可為喻又復雨衆天華所謂優鉢
羅華俱母那華奔拏利迦華等種種
妙華住於空中變成傘蓋又於佛上
變作八萬四千樓閣一一皆是七寶
所成衆彩雜飾殊妙莊嚴又於空中
現大寶座無量無邊一一座上悉皆
有佛現為衆生宣說妙法時彼三千
大千世界六種震動

爾時普勇菩薩摩訶薩合掌恭敬前
白佛言世尊以何因緣於虛空中現
斯瑞相甚為希有而彼大地忽然震
動願佛慈悲當為宣說
佛言普勇今此會中十方諸大菩薩
及天人龍神等皆悉來集我今當為
宣說正法又復為諸外道破彼邪心
令歸正見以是因緣故現斯瑞普勇
當知諸凡夫類雖得值遇如來應供
正等正覺出現世間不能於佛殊妙
色相起尊重心生難遭想設得聞佛
宣說正法不能依法修行復生取相
起我慢心覺得聽聞妄生多解而復
起於易所得想疑惑不信作如是言
如佛所說若契經若祇夜我昔不聞
知何所說我今不能聽受記念我於
諸法悉自了知此人以是迷惑心故
恣已愚癡違背佛法作罪業因自造
經書撰集義理於世間中而為正說
作如是言我所造集是巧便智轉勸
他人使令修習雖復以已所造經書
勸人修習設使種種方便終不能令
一補特伽羅而獲利樂於多生中自

壞其身業因緣故臨命終時受大
苦惱普勇此諸外道起迷惑心生不
正見不能解脫如彼初生飛禽未生
翅羽其何能飛說能飛者是為虛誑
此外道輩若不迴心歸佛正法其何
能得究竟無上清淨涅槃彼常自計
為涅槃者亦為虛誑何以故此外道
輩造不正因起戒禁取破壞自身斷
滅正法堅著我見無由解脫設得人
身尚非勝報云何實得清淨涅槃於
其自身猶未能知本何所來當何所
往生滅唐捐受諸苦惱增長惡趣無
有休息我觀是輩深可悲愍
爾時世尊作是說已告諸外道尼軋
隨等言汝等當知閻浮提中有大珍
寶無能護者隨意當用我所宣說是
大法聚諸有求者無所怪惜汝等若
有疑惑及所希求當恣汝問如來大
悲一一為汝分別開示
爾時諸外道尼軋陀等各從座起合
掌向佛作是問言世尊佛於長夜度
諸衆生令出輪迴云何衆生滅相
續無有間斷我於是事不能了知願

大華嚴經卷第三 第三十 約

佛宣說

尔時世尊即於會中告樂王軍菩薩
 言今此會中諸外道輩以我大法光
 明威神照故漸能開解被精進鎧息
 疑惑心能以此義問佛世尊樂王軍
 一切生者略有二種一者久生二者
 初生譬如有人富貴自在忽於一時
 以水沐髮復以鮮潔上妙衣服而為
 嚴飾乃出其舍時有貧人見已欣樂
 即自還家亦沐其髮復以故衣洗濯
 令淨是人雖復多汲其水濯彼故衣
 徒使疲勞終不能令服飾新好一切
 生中若久生者同彼貧人濯其故服
 終不能淨若初生者如彼富人衣新
 好衣未生塵垢
 尔時諸婆羅門外道尼軋陀等聞佛
 作是說已即白佛言何者初生何者
 久生佛言彼六趣中相續展轉受苦
 眾生名為久生何以故此等眾生於
 六趣中不生歇離不求解脫時諸婆
 羅門外道等復白佛言世尊如佛所
 說久生眾生於輪迴中受諸苦惱不
 能解脫初生眾生願佛顯示作是言

大華嚴經卷第三 第三十一 約

已尔時忽有九十四千俱胝摩拏縛
 迦來入會中於世尊前不伸禮敬復
 無所問默然而住是時樂王軍菩薩
 見是事已即白佛言世尊何因緣故
 今此輩等來入佛會而不禮敬復無
 所問其事云何佛言樂王軍此諸摩
 拏縛迦是初生者於佛世尊未有所
 問是時彼諸摩拏縛迦即作是言世
 尊我等是初生者佛言如是如是汝
 等初生如日初出光明普照徧於一
 切無量眾生所共瞻觀汝等久於佛
 道心已成熟諸菩薩法昔已通達雖
 名初生而久修習是時九十四千俱
 胝初生摩拏縛迦即各躡身虚空從
 空中下一一皆得圓滿十地

尔時樂王軍菩薩合掌恭敬生希有
 心前白佛言世尊此等眾生得大善
 利久已盡彼輪迴苦惱具大精進是
 名初生今日見佛於剎那間即得解
 脫是時諸婆羅門外道尼軋陀等眾
 中有諸盲者以聞法故忽見光明各
 得觀佛殊妙色相見佛相已咸作是
 言如來應供正等正覺是取勝師我

大華嚴經卷第三 第三十二 約

等歸依即起合掌生淨信心俱白佛
 言我等今者得見世尊佛言汝等應
 當重復審諦觀佛如來殊善色相汝
 等當知汝等今者諸善根力已成熟
 故得見世尊又得聽聞大集會法是
 時諸盲外道得是利已生大歡喜各
 各皆發阿耨多羅三藐三菩提心
 尔時會中諸婆羅門外道尼軋陀等
 聞佛說法亦皆發阿耨多羅三藐三
 菩提心證得無生法忍悉皆圓滿十
 地即時又成大菩薩眾乃各躡身虛
 空高七多羅樹於其空中各現種種
 神通變化及化種種華鬘瓔珞傘蓋
 幢幡七寶樓閣等住於佛上而為供
 養各作是念今我此身從佛習生從
 正法生一切如來是真歸處作是念
 已從空而下禮世尊足退住一面
 是時會中有無數百千天子見是事
 已即說伽陀

我佛大沙門得蒙上善利於一切世間
 寂尊無與等三摩地願力皆悉已具足
 一切勝義法無餘不知者一切眾生類
 無始輪迴苦佛善巧方便普令得解脫

大集正法經卷三 第十六張
娑羅門外道咸得大利樂

佛說大集會正法經卷第三

癸卯歲高麗國大藏都監奉
勅彫造

佛說大集會正法經卷第三

校勘記

- 一 底本，麗藏本。
- 一 二四四頁下二二行「求授」，磧、南作「來授」。
- 一 二四五頁上六行「王世」，諸本作「于世」。
- 一 二四五頁中一七行「善根」，磧、南、徑、清作「菩提」。
- 一 二四八頁下一七行第三字「空」，徑作「坐」。



趙城縣廣勝寺

佛說大集會正法經卷第四 曲

西天譯經三藏朝奉大夫試鴻臚卿傳法大師自誓願奉詔譯

尔時藥王軍菩薩摩訶薩從座而起
 益加恭敬膝輪著地禮世尊足礼已
 合掌前白佛言世尊以何因緣此諸
 菩薩能於空中現諸神變於如來前
 現諸色像佛言諦聽藥王軍此諸善
 男子已得一切如來共所攝受不久
 即成阿耨多羅三藐三菩提處大法
 座轉妙法輪以法光明普照羣品以
 是因緣能為變化

是時藥王軍菩薩復白佛言如佛世
 尊於長夜中度脫三界一切眾生其
 數甚多云何是等無有窮盡佛言善
 哉善哉藥王軍譬如有入以諸穀麥
 以為種時各各分別而無間雜其後
 依時彼諸種子皆悉成熟是人即時
 次第而收若穀若麥亦無間雜如是
 展轉收已復種種已復收無有窮盡
 藥王軍此諸眾生亦復如是業因緣
 故布諸種子若善若惡無有間雜後
 時成熟受諸果報亦無間雜如是展

轉生已復生亦無窮盡

大集正法經卷第四 第二張

卷第四

藥王軍諸有修習菩薩行者能布一切
 善法種子一一成熟既成熟已即能
 出生一切善法善法生已生大歡喜
 愛樂佛法彼善法種雖經多劫終無
 能壞藥王軍當知是名初發心菩薩
 而彼所得一切善法聚集了知轉倍
 增勝雖復夢有所見而能離諸怖畏
 何以故一切業障悉得清淨不造惡
 法離諸苦惱惡境現前而不能動若
 於夢中見大火聚光焰熾盛菩薩見
 已不生怖畏何以故諸煩惱薪為智
 慧火之所焚燒無能亂故又於夢中
 若見大水而不清潔徹底濁穢菩薩
 見已亦不生怖何以故已盡一切所
 作業故如牛撒軛而得自在又於夢
 中持以利刀自斷其頭復斷他頭菩
 薩尔時亦不生怖何以故貪瞋癡法
 諸煩惱中而為根本菩薩已斷無所
 懼故藥王軍彼初發心菩薩於六趣
 輪迴已得解脫而復於中隨順受生
 皆是善法以方便力示現化度一切
 眾生而實菩薩常生諸佛清淨刹中

一切如來所共攝受

藥王軍汝今當知於後末世若有衆生能發迴向菩提心者是即安住一切佛智得見諸佛圓滿善法永不復生諸疑惑心藥王軍我於無數百千那庾多劫勤行苦行修諸善法於一切法覺了自性即得成就阿耨多羅三藐三菩提既圓滿已復以方便善巧智慧廣說諸法令諸衆生得生諸佛清淨刹中受勝妙樂而能了知諸滅道法了知勝妙諸根本法了知勝妙善處法了知勝妙神通法了知勝妙善處寂滅法藥王軍所言滅者其義云何藥王軍菩薩言世尊所謂法處佛言法處者何藥王軍菩薩言其法處者所謂精進持戒二法若已發起若未發起戒行具足是名法藏世尊諸法從是法藏所生佛言善哉善哉藥王軍於如來前能答是義藥王軍菩薩復白佛言世尊諸佛如來以何義故出現世間佛言藥王軍諸佛出世為欲令諸衆生持戒多聞得具足故令悉了知勝妙樂處故令於一

切勝妙法門通達趣入故入是法門已即能廣修一切善法以方便力增長善根於世出世寂勝妙法皆悉通達藥王軍菩薩白佛言世尊云何名出世法佛言藥王軍出世法者所謂涅槃法若了諸法自性是即了知涅槃勝法彼諸法者即正法蘊若於是法如實而知如實而證於出世法中是為第一藥王軍諸異生類於佛世尊深妙法中不生信趣向修習亦復不能轉勸他人此等異生身壞命終而無善法為所依怙藥王軍汝今諦聽我念往昔有一商人為求利故借千兩金欲往他國而為貿易其人父母以愛念故謂其子言此等金寶非已所有若自持往或時散失苦惱倍增後悔何益是時其子反生恚恨不聽是言即負此金便往他國既至彼已時分未久其所負金皆已散壞復無所得漸不能住即便追悔生大苦惱其人後時雖復還國不自歸舍以苦惱心生大疾病時彼父母知子雖還不便歸舍又聞金寶皆已散壞

憂愁迷悶竊相謂言此非我子是大惡友破壞我族悉使貧匱復致他怨何所依賴我等今者作何方便得免斯苦是時父母以憂苦故歎已身命欲自殞滅時彼商人既聞父母憂惱如此即便還家向彼父母嗟然而住父母忽見其子頓失前怒即同謂言我子何能受斯痛苦我聞是事恐汝命終汝今既來寬我憂慮時彼商人告父母言我身與心苦惱如是支節痛逼命將不救何以故我於今時眼不欲視耳不欲聞心識迷悶衆苦所集設使父母如何救護父母告言我子於此勿生怖畏汝命未盡我皆救汝汝今苦惱必是虛疾心識迷亂妄有所見時子答言我非虛疾亦無所見諸可愛境皆不現前唯見死苦大可怕事定趣命終無能救者父母告言我子所苦多是天神所持世間諸有被執持者皆詣天祠以求救護若如是者方得脫免子言可介是時父母持以妙香即詣天祠既至彼已告守門者引至天前焚香啓願祈求悔

大集法經第四 第六張 由字号

謝時守門者謂父母言汝若欲子病得脫免天神歡喜當設祭祀必獲如意其所祭物法應當須斷一人命及一鉢成方名為祭是時父母聞彼言已共相謂言我今若不祀彼天神我子何由得免斯苦然我今者家復窮困何能辦彼祭所須物宜共還家作諸方計既相議已即便還家盡其家中一切所有而為賀易得一鉢成復共出舍詣一富人作是告言我今求貸黃金少分當期十日即便歸還若違是言過十日者我皆以身為君婢僕作是言已富人即與時彼父母既得金已不復還家即持是金而得一人其所鬻人不知何作即隨其主詣彼天祠至天祠已謂守門者言我等今者持所祭物來祀天神守門者言汝當隨意時彼父母於天神前焚香啓願作如是言願我此子病苦得免天神歡喜言已即時以所祭人及彼鉢成自手斷命而為祭祀其所祭人當斷命時既被縛縛無所能避唯念諸佛一稱是言那

大集法經第四 第七張 由字号

謨沒馱耶言已命斷時彼天神受其祭已誑父母言汝子所疾是我所執我今放捨令子得脫是時父母聞其言已歡喜踊躍拜謝而出父母相慶手相謂言我子從今既得病愈又復決定而得長命我等今者雖復無金可還富人當如本言為彼婢僕而無所恨是時父母方共言議未及還家忽逢人告子命已盡時彼父母一聞是言生大苦惱俱死躄地佛言藥王軍我觀世間愚癡異生感業所纏不善知識共相集會手為衰損亦復如是此等異生身壞命終墮於惡趣受大苦惱無能救護藥王軍菩薩白佛言世尊如佛所說祀天神者此等異生死墮何處佛言藥王軍止不須問藥王軍復白佛言世尊我等衆中有樂聞者願佛為說佛言藥王軍汝今當知時彼父母既命終已俱墮衆合地獄受大苦惱時彼子者墮炎熱地獄中受大苦惱彼天祠中為守門者以導引故見作隨喜命終已後墮阿鼻地獄受大苦惱

大集法經第四 第八張 由字号

藥王軍復白佛言世尊彼所祭人當生何處佛言藥王軍此人命終生三十三天六十劫中受勝妙樂藥王軍復白佛言世尊此人以何因緣得生於彼佛言藥王軍此人臨命終時純善相應發淨信心歸依如來一稱那謨沒馱耶故是人即為深種善根又復於八十劫中得宿命智在在所生離諸煩惱息一切苦今時藥王軍菩薩前白佛言世尊諸有衆生樂欲趣證涅槃法者當修何行佛言藥王軍當修精進行勇猛堅固藥王軍言云何名精進行又於何處而能發起佛言精進行者於諸果法而不懈退是名精進行精進處者所謂預流果名精進處一來果名精進處不還果名精進處阿羅漢果名精進處緣覺果緣覺智果名精進處菩薩果菩薩智果名精進處藥王軍諸修菩提者於如是等處而能發起廣大精進今時佛告藥王軍菩薩言我念往昔於一時中有一摩拏縛迦於平實地

纒種一樹即生芽莖枝葉華菓光潤可愛其樹盤根廣一由旬於少時間悉皆具足次復有一摩拏鱗迦寄前樹側亦種一樹根纒置地忽為大風之所偃拔芽莖枝葉尚不能生況復華菓而能成就彼次種樹人見是事已即移其樹欲種他處是時先種樹人作如是言云何於我平實地上而致破壞彼次種樹人言我今自為移所種樹非特破壞汝平實地如是往來互相諍競是時有人潛告於王王既聞已勅令往捉使者奉命奔至於彼時二諍人各大驚怖使者執持來至王所是時王問彼二人言汝等何故互相諍競先種樹人具如實說次種樹者作如是言大王當知我為自無地土種殖斃於此人借地種樹我所種者為風所拔根不能固至於芽莖枝葉華菓皆不能生此人種樹於少時間即生芽莖枝葉華菓悉皆具足又復盤根一由旬量我見是事內自羞愧即移其樹欲種他處彼獲如意而復生瞋以是緣故共相諍競

願王察我無賜罪罰時王即勅召集目察是時諸目察等有三十俱胝聞王有命齊至王所俱白王言有何宜令王言汝等當知今我國中適聞一事甚為希有此有一人纒種一樹於少時間即生芽莖枝葉華菓悉皆具足又復盤根一由旬量汝等頗曾見是事不如我所見諸有樹木開華結菓極甚疾者亦半月分或一月分今此樹者昔未聞見汝等云何是時目察中有一人前白王言我於是事亦未決定如實可信如王所說我亦生疑願王更召此種樹人審諦而問知其實不王即宣召先種樹人而復問言汝所種樹於少時間開華等事當如實不汝若虛妄我必罪汝時彼人言王如父母能生於我我今對王何敢虛妄願王無疑是事誠實王言我昔未聞況復能見我於是事如何生信是時彼人復白王言大王若或不信願王詣彼親自觀察時王即與三十俱胝目察同詣樹所既至彼已即見其樹枝葉滋茂菓實繁多見已生

信歎其希有王時於彼亦種一樹亦不即生芽莖枝葉況復華菓王既見已慙對目察生大瞋恚即勅令伐彼先種樹諸力士等咸遵王命持斧競伐伐一樹時有十二樹同時復生七寶莊嚴廣大殊妙時王見已轉復生瞋又勅令伐如是等樹時諸力士又共持斧伐十二樹伐此樹時是處復有二十四樹同時還生彼一二樹枝葉華菓轉復繁茂又復皆有一金喙鳥游戲其上衆色嚴身音聲清妙時王見已復甚瞋恚自索一斧欲斷一樹斧所及處甘露流溢時王見已便生信悔勅令召彼先種樹人是時此人先被持縛今方得解奔詣王所王復問言汝何緣故始種一樹即生芽莖枝葉華菓我令伐已生十二樹七寶莊嚴廣大無比如是又伐即復又生轉倍於前異鳥奇音甚為希有我等亦種樹不即能生況復華菓莊嚴等事是義云何汝當實說彼人答言大王是我福德力之所致故如是又言大王是我福德力之所致故時諸目

大集正法華經 第十二卷 卅五

寮聞是語已皆大瞋怒咸作是念如何此人對王自矜我福德力即共責彼而作是言汝愚癡人如何對王自矜福德若如是者汝莫勝王或與王等尔時彼人向諸目寮稽首恭敬說是伽陀

我不樂王位廣集諸財寶久發取勝願成佛二足尊我至涅槃界而不任寂滅以方便願力出現於世間說法度衆生咸令至彼岸離縛而自在得寂上安樂我以宿業故今被王持縛勝願力既然我業盡銷滅

尔時復有二十四俱胝金喙鳥飛於空中出清妙聲奏諸音樂是時復有三萬二千妙寶樓閣同時出現一樓閣其量高廣二十五由旬彼樓閣間一一別有二十五俱胝金喙鳥翔集其上說是伽陀

大王何故起惡心 伐彼可愛即生樹
佛神力故剎那間 二六倍等復生長
王以我心亦種樹 不生芽莖及華菓
見如是事信不生 徒增煩惱起瞋恚
王善力故後生信 當來定獲取勝果

大集正法華經 第十三卷 卅六

尔時王言空中聲者是大賢善我本何心故生破壞我今已信深自悔責時王又聞空中作如是言大王彼先種樹者即當成佛出現世間爲天人尊王即仰問空中賢者彼次種樹人以何緣故種樹不生空中答言大王當知此人廣造罪業無少善根以是緣故一切破壞尔時彼王以善根力久成熟故得見如是希有事已又聞空中如是言等發起增上取勝善心是時即得安住十地平等善法彼三十俱胝目寮亦以善根成熟力故亦復安住彼十地法

尔時藥王軍菩薩聞佛世尊作是說已生大歡喜歎未曾有合掌恭敬前白佛言世尊昔時王等以何緣故即得安住彼十地法佛言藥王軍彼王與目諸佛如來久已授記皆得成佛藥王軍當知彼所種樹皆是諸佛神力所現我於今日復現是事與彼昔時等無有異

尔時世尊於衆會中從其面門放大希有八萬四千淨妙光明彼一一光

大集正法華經 第十四卷 卅七

各有無數百千種色所謂青黃赤白紅紫碧綠如是等種種色光普照無邊諸世界已其光旋還右繞佛身復從世尊頂門而入

尔時藥王軍菩薩合掌恭敬禮世尊足而白佛言世尊何因緣故放是希有廣大光明普照世界若無因緣如來應供正等正覺不放光明願佛慈悲略爲宣說

佛言藥王軍汝今見彼隨方來者諸世界中無數人衆咸來集此大衆會不藥王軍言不也世尊我今不見佛言汝當審諦重復觀察

尔時藥王軍菩薩承佛聖旨四方上下皆悉觀察即於東方見一大樹殊妙莊嚴其量高廣七十由旬有二萬五千俱胝人衆周匝圍繞入佛會中於佛世尊不伸問訊亦無所說寂然無聲住佛一面南西北方上下方等亦復如是尔時藥王軍菩薩見是事已前白佛言世尊我有少疑欲伸請問願佛世尊爲分別說佛言藥王軍汝今有疑恣汝所問我當爲汝一一

開示是時藥王軍菩薩復白佛言世尊今此四方上下世界一一大樹有諸人眾周而圍繞來入會中寂無言說各住一面何因緣故其事如是佛言藥王軍汝今欲知其事因緣自可往彼隨方世界一一親問彼佛世尊必當為汝如實宣說藥王軍菩薩白佛言世尊我承佛旨今當自往隨方世界問彼世尊然我以何神力而能往彼佛言汝當以自神力往諸世界吾復為汝神力加被藥王軍菩薩即於會中繞佛三匝已隱身不現從是東方過九十六俱胝世界到一世界名為月燈彼有佛名月上境界十號具足有八十俱胝大菩薩眾圍繞說法藥王軍菩薩既到彼已即時頭面禮彼佛足合掌恭敬而白彼佛言世尊我於娑婆世界釋迦牟尼佛所見此東方有一大樹殊妙莊嚴其量高廣七千由旬有二萬五千俱胝人眾周而圍繞來入佛會南西北方上下方等亦復如是我不能知是事因緣化主釋迦牟尼佛遣我來此自問其

故唯願世尊為決所疑
 今時月上境界如來告藥王軍菩薩言善男子彼佛會中所來大樹廣大殊勝能於彼方施作佛事彼諸人眾從樹所生為顯諸佛神通力故藥王軍菩薩復白彼佛言世尊是事希有我昔未聞况復能見又復世尊今此會中無數人眾住世尊前周而圍繞無空隙處此諸人眾僅容其身皆不能見彼二手臂是事云何願佛為說彼佛言善男子此諸人眾若行若住或復屈伸皆悉無礙藥王軍菩薩復白彼佛言世尊我所未了是義云何彼佛言善男子汝今樂見此諸人眾伸其臂不藥王軍菩薩言我今樂見願佛顯示今時月上境界如來即於會中舒金色臂普示大眾是時在會百千俱胝人眾即各一時亦舒一臂一一皆兩無數百千種香所謂塗香末香等供養於佛是時彼佛告藥王軍菩薩言善男子汝今見此人眾各舒一臂雨眾妙香供養世尊如是事不答言已見彼佛言善男子汝

今當知此諸百千俱胝人眾皆是化生如夢所見
 今時藥王軍菩薩見是事已即白彼佛言世尊此諸人眾於頃臾間各舒一臂尚能雨彼無數妙香何況盡令舒其二臂雨是香等倍復甚多彼佛言如是如是善男子如此等類皆是如來神力所化不可限量諸眾生界亦復如是若生若滅如夢如幻一切有為皆無實法藥王軍菩薩復白彼佛言世尊諸眾生類有初生者有久生者彼佛言如是藥王軍菩薩言不知何者是名初生又復何者得名久生彼佛言今此會中百千俱胝人眾適舒一臂各雨香者是為久生彼娑婆世界釋迦牟尼佛所從樹生者是為初生藥王軍菩薩重白彼佛言世尊我今於此而欲復見彼初生者願佛顯示
 今時月上境界如來即時復舒右臂是時四方有百千俱胝人眾上方下方亦各有二十五俱胝人眾同時而來入佛會中亦復於佛不伸問詳亦

大集正法經第四 第十八卷 曲字

無所說寂然無聲住佛一面是時藥王軍菩薩前白彼佛言世尊云何是等無數人眾於剎那間來入佛會亦各寂然住佛一面彼佛言善男子此諸人眾是初生者不知生法不知滅法亦復不知老病死憂悲愛別離惡憎會等如是諸法亦復不知苦及苦受不從苦生於一切法非所修習非所了知云何於今能有所說是故各各寂然而住藥王軍菩薩復白彼佛言世尊如佛所說此諸人眾是初生者不知此等從何所來於一切法皆不能知彼佛言善男子此等眾生非業報生非諸功巧所能造作亦不由彼父母緣生不從諸愛相應所生亦非過去業因緣生亦不思念苦受等想生已無住從如是來故無所說乃於諸法不能了知亦復不生我我所想藥王軍菩薩復白彼佛言世尊此既名為初生者為從何生復從何滅彼佛言善男子如佛所生彼如是生如佛所滅彼如是滅善男子譬如有入違背王法為王繫閉久處牢獄而

大集正法經第四 第九卷 曲字

彼獄中極甚黑闇不為日光所能照燭受大苦毒多生驚怖是時其獄忽為火焚四面熾然人皆驚喚彼所繫人尚未能出時王聞已即遣力士作諸方便令救是人既得離彼獄火難已而見於王王言赦汝自今已往莫復更作如是罪犯若更作者為彼繫縛無有出期善男子如來亦復如是已斷貪瞋癡等一切煩惱圓滿一切出世善法又能息除一切病苦復以種種大悲方便於六趣中救度一切受苦眾生一一皆令離諸纏縛如彼日光破諸冥闇滅諸罪垢生善作意善男子若久生若初生一切眾生皆令解脫是時彼佛說是法時空中有聲說是伽陀
如來大悲者處清淨刹中從善法種生
因果無所失佛境界清淨開微妙法門
以大悲方便度諸眾生類次第而開導
皆令至涅槃常寂靜世間諸所作無染
自從無始劫若久生初生三界六道中
無數眾生聚佛悲願力故咸歸解脫門
若世出世間普得大利樂

大集正法經第四 第五卷 曲字

余時月上境界如來即於會中放大希有淨妙光明於其光中出廣大聲普震十方復於聲中出如是言善哉諸佛神通力善哉妙法功德力善哉和合大集會種種神變不思議善哉宣說妙法門一切眾生得利樂
尔時藥王軍菩薩見大光明又聞空中作如是聲稱揚讚歎合掌恭敬禮彼佛足前白佛言世尊何因緣故放是光明彼佛言善男子汝今見此會中諸初生者不答言已見彼佛言善男子此諸人眾根緣成熟即於是日聞我說法一一皆當圓滿十地
尔時藥王軍菩薩即從座起踊身虛空高八萬由旬是時復有八萬俱胝天人於虛空中雨諸妙華供養彼佛時諸初生者各各恭敬頂禮世尊是時十方有諸菩薩乃至一切龍神夜叉等又悉雲集時藥王軍菩薩於虛空中合掌一心而向彼佛說是伽陀
善哉佛神力放光出大聲三千世界中
無有不聞者三十二地獄受苦諸眾生
得聞是音聲苦惱皆停息三界諸天眾



趙城縣廣勝寺

佛說大集會正法經卷第五 曲

西天譯經三藏朝奉大天試鴻臚卿傳法師臣施護奉譯

尔時月上境界如來告藥王軍菩薩
 言汝等當知一切衆生有身皆苦生
 老病死憂惱悲痛忍增會受別離所
 欲不成就如是等法悉皆是苦逼迫
 衆生不能解脫此一切苦甚可怖畏
 而諸衆生於是苦義不聞不知尔時
 會中諸初生者聞佛說是諸苦法名
 即皆合掌前白佛言世尊我等樂聞
 此諸苦義願佛爲說佛言諸善男子
 非唯汝等樂聞一切衆生皆亦如是
 諸初生者復白佛言世尊所言死者
 其義云何佛言諸善男子所謂識滅
 身壞故名爲死一切衆生命欲終時
 有三種風而來破壞所謂滅識風動
 轉識風起識風此三種風衆生命欲
 盡時令識散滅動轉改易諸初生者
 言世尊彼滅識風云何能令衆生識
 滅身壞佛言彼滅識風復有三種所
 謂刀針大力由是三種能滅其識識
 既滅已身即破壞諸初生者言世尊

大集會正法經卷第五 曲

云何名身佛言身者所謂如幻如焰
 又如重擔復如涎洩腐爛等物諸無
 智者不能覺了生爲大苦由生發起
 緣法聚集命根連持而無其實非受
 相應如是等法假名爲身諸初生者
 言世尊云何名命復何名滅佛言識
 所連持是名爲命業報衰謝識法離
 散命根斷絕身分破壞故名爲滅諸
 善男子我今復爲汝說身分所有當
 知人身諸分筋脉有一俱胝數有八
 萬四千毛孔有千二百身分支節有
 三百八身骨此等共成人身復有八
 萬四千族蟲如是生類同依人身於
 人身中晝夜呷食而復諸蟲互相食
 取諸苦隨生如是八萬四千族蟲其
 中有二大者於七晝夜互相交鬪至
 第七日彼一蟲死又復一蟲而共交
 鬪一蟲死已一蟲復生如是展轉乃
 至人命斷時此諸蟲類一切壞滅無
 所依止諸異生類不能覺了內外苦
 法相續生滅老病死法皆不能怖若
 順若違互相交鬪如身二蟲苦惱隨
 生而不覺了身壞命終都無所有諸

善男子有一異生命將不久有善知識來為安慰問其人言汝現生中叵曾知見生老病死諸艱苦不彼人答言我曾知見善知識言汝今既自知見如是等苦何不生厭起增勝心於二世中種少善根斷諸惡法修諸正行若能如是捨此報已生他勝處離諸怖畏以其善法為所依怙况復世間諸有苦法一一分明盡可觀察汝豈不聞大地若擊能發大聲善法若作有大勝力是故於諸如來清淨剎中種諸善法所謂以其華鬘塗香飲食衣服卧具醫藥供養如來及諸苾芻苾芻足優婆塞優婆夷清淨四眾如是供養是為於佛剎中種諸善種當能出生一切善果汝今於此遇大法王出現世間若不種諸善根而無所益時善知識為彼異生說伽陀曰

如來出世間擊廣大法鼓開微妙法門
今一切趣入廣度諸眾生歸涅槃寂滅
汝今見是事何不起精進

尔時彼人亦說伽陀答善知識言
若愚癡無智復會遇惡友廣造染法因

謂貪慾等事起我見增盛破和合僧伽毀壞於塔寺不深信三寶但造眾惡業不作善因緣於一切時中常生諸過失惱亂於父母不生孝敬心出非法語言輕謗諸賢善造此惡因故必墮地獄中自受苦惱身無能救護者可畏與眾合炎熱及阿鼻如是諸獄中展轉受諸苦從是大獄出復入小獄中謂刀兵蓮華受苦而相續如是大小獄有無數眾生隨自業因緣輕重而受報或百劫千劫或復更長時惡業繩所纏無由能解脫彼刀兵地獄縱廣百由旬不見彼獄門唯諸受苦者百千俱胝數劔樹與刀山駟彼罪人登身分皆斷壞暫時雖死滅復被葉風吹即時還復生而受諸苦惱地獄無邊際眾生亦無窮以惡業因緣相續不間斷我造諸惡業定憶彼趣中善知識今時聽說所造業我曾起貪心廣造於舍宅彩畫復雕鏤金寶以莊嚴復置諸園林倉庫及產業畜牛馬生類皆以為資具父母及眷屬内外數甚多奴婢與妓人其數無有限常令於晝夜動種種歌音但縱已樂心不念於他苦

恃彼大富貴作種種莊嚴凡所受用物悉金銀瓊寶以香水澡沐復塗諸妙香龍腦與栴檀及彼麝香等香水澡沐已次第而嚴身手釧及指環皆用瓊寶作以真珠瓊瑤而為項莊嚴最上好真金復為耳璫等身衣莊嚴已頂戴諸妙華蘇摩那瞻波及諸異香者復著妙好衣謂最上細氎鮮白復清潔皆妙香所薰飲食最上味甘美復馨香侍者供所須斲無飢渴想地敷好茵蓐履踐而游行左右有侍人自在復尊貴如是廣嚴飾而愛樂其身常保惜護持不生破壞想既富樂具足餘復無所思恣其滌慾心造不善過失眼貪於色境諸根亦復然彼為過失因自不能覺了見聞覺知與諸煩惱隨生於順遠境中起貪瞋癡法柔軟等諸觸觸身心起愛彼愛想既生諸罪業皆作我曾於一時無故害有情以前射鹿身令彼命斷滅但取其肉食不念後世中果報自當受誰人能代者我愚癡無智但資養其身一日死苦來識滅身破壞唯集諸苦惱無一可愛心父母及諸親相視不能救良醫妙藥等

大寶法華經第五

第六卷

佛

亦唐設其功徒增悲惱心無救濟方便
 我若命斷已弃於尸陀林為鳥獸諸蟲
 充足而食噉一切無所有虛幻法現前
 諸境悉皆空唯果報不失是時無所託
 唯善法可依如我造惡因當墮於地獄
 廣積罪業蘊後苦惱隨生於彼三世中
 破壞善法種受想行三法以諸觸為因
 觸故諸愛生而成憂苦縛善法如良藥
 能治貪愛心貪等既不生諸惡不能作
 我實無福慧虛受於人身佛宣方便門
 布施持戒等我不能自作不隨喜見聞
 正法不能聽愚癡日增長無明等煩惱
 隨轉而無窮障善法因緣何由能解脫
 迷惑心散亂無少時靜住煩惱火所燒
 受種種纏縛於身無少樂樂法不暫生
 命將不久時一切皆破壞唯諸佛勝法
 能救苦眾生戒法真實門登者得大樂
 如我所造業深自生追悔今遇善知識
 是故如實說

尔時月上境界如來告藥王軍菩薩
 言善男子諸異生類臨命終時生大
 驚怖苦惱其心無所救護唯諸善法
 能為所依殊勝果報而無所失尔時

大寶法華經第五

第七卷

佛

彼佛即說伽陀曰
 眾生作惡業定墮地獄中 飢時吞鐵丸
 渴復飲銅汁身出猛火焰 惡業故自燒
 身今皆破壞受驚怖大苦 彼不見樂境
 不聞正法名唯苦逼身心 一切皆非愛
 眾生作善法定生善趣中 善知識會遇
 勸道修善法發生正信解 具戒慧多聞
 諸煩惱滅除而成正等覺 精進行寂上
 佛出世所宣業發諸善根 不生於退屈
 慈悲真梵行攝一切眾生 自利復利他
 皆令得解脫善男子諦聽 佛所說真實
 出微妙法音令一切調伏 大悲心為父
 善提心為母善法為知識 能救護眾生
 正覺出於世說取勝法門 方便化眾生
 令住寂滅地佛為大悲者 寂上世間尊
 普觀諸有情等同為佛子 平等無有二
 使一切歸依

尔時彼佛說是法時三千大千世界
 六種震動時藥王軍菩薩合掌恭敬
 白彼佛言有何因緣大地震動願佛
 慈悲當為我說彼佛言善男子汝當
 四方觀察有何所見是時藥王軍菩
 薩承佛聖旨即時四方觀察見此大

大寶法華經第五

第八卷

佛

地震動於少時間而復破裂有六十
 五俱胝人從地而生
 尔時六十五俱胝初生者即皆合掌
 俱白佛言我等從何所生佛於會中
 指前初生者告彼從地生者言諸善
 男子汝等見此諸人眾不答言已見
 佛言如彼所生汝等亦然從地生者
 又言此諸人眾當應滅不佛言如是
 如是彼等皆滅諸善男子非唯此眾
 一切有情悉皆歸滅是時先在佛會
 諸初生者各起合掌白彼佛言世尊
 如佛所說生死二法我等厭患非所
 愛樂佛言汝等既能厭患生死云何
 不能發起精進此諸初生者又白佛
 言世尊我等於如來前聽受正法見
 此菩薩聲聞大眾有大神通威德具
 足是我所樂我等亦欲趣進修習遠
 離生死

尔時藥王軍菩薩復見有諸從地生
 者即時與五百大菩薩各各以神通
 力於其會中又復躡身虚空高二萬
 由旬於其空中或現經行相或現跏
 趺相或現師子王步相或現象王步

相或現諸異獸等步相現如是等諸相已復於空中作諸神變時此菩薩等各有身光於虛空中如百千俱胝日月光明

尔時諸從地生者俱白彼佛言世尊何因緣故有是廣大光明及於空中現諸神變希有等事佛言諸善男子汝等見諸菩薩住空中不答言已見佛言此大光明是諸菩薩各各身光此諸菩薩一一皆能現諸神通變化等事是時藥王軍等諸菩薩眾即於空中出微妙聲俱白彼佛言願佛慈悲為諸眾生宣說法要若天若人得聞法者皆得最上利益安樂我等今時皆是如來大悲方便精進願力所建立故願佛於今顯法光明普照世間作是言已俱從空下住於佛前彼佛告藥王軍菩薩言善男子汝今見此三千大千世界六種震動不藥王軍菩薩言已見世尊然今我等不能了知以何緣故有如是事又復我今有少疑惑欲問世尊願為開決彼佛言善男子汝今有疑恣汝所問若過

去未來現在三世等事我當為汝一如實分別演說藥王軍菩薩白彼佛言世尊今此會中何故有八萬四千天子眾八萬四千俱胝大菩薩眾一萬二千俱胝龍王眾一萬八千俱胝部多眾二萬五千俱胝必舍左眾以何義故如是等眾其數甚多彼佛言善男子汝今當知此諸大眾俱來集會皆是於此聽佛說法即於是日獲大利樂永出輪迴又復其中有得安住十地法者有得安住涅槃界者有得解脫老病死苦任安樂法者有得解脫煩惱縛者有得深入佛法者藥王軍菩薩復白彼佛言世尊如來善為一切眾生作諸善巧方便事業隨順攝化云何是中而無懈倦彼佛言善男子諦聽如來起大悲心設諸方便普攝有情皆令解脫常無懈倦但諸異生愚於善法雖遇如來不能親近聽受修習不求解脫善男子如來今日於大眾中吹大法螺擊大法鼓出大法聲演大法義若天若龍乃至八部四眾及諸初生者如是一切

大眾咸於今日得大摠持圓滿善法安住十地普獲利樂一切皆是如來神通方便所作令諸眾生住精進地得法具足如佛世尊
尔時六十五俱胝數中有五千初生者俱從座起合掌向佛而白佛言世尊我等有身而為重擔深為大怖何由解脫又復一切眾生處輪迴中暨無寂靜所欲礙心不能了知住黑闇地不能明了唯願世尊攝受我等及諸眾生施以無畏令得安樂勸請世尊宣說妙法令諸少慧眾生增長正慧苦惱眾生皆得解脫世所生見佛聞法
尔時藥王軍菩薩向彼初生者說是伽陀曰
汝等樂欲聞正法 先須飲食資身命
後起無畏廣大心 深得最上妙法味
彼初生者亦說伽陀答藥王軍菩薩言
汝尊者大智善調寂諸根有廣大名稱
一切皆愛敬已圓滿善法一切無不知
云何作是言飲食資身命如我等意者

法華經疏

卷第十

止

飲食為過因食已於腹中成種種雜穢
 雖增長色力而惡法隨生三塗惡趣中
 當生大怖畏諸眾生罪業皆從飲食生
 所有貪愛心由飲食所起世間愚癡者
 生種種貪心營廣大田園舍宅樓閣等
 諸妙好服飾及取上莊嚴眾妙寶七珍
 真珠瓔珞等象馬及車乘奴婢數甚多
 富貴難暫時終歸無常法如其壽命盡
 流轉諸趣中正法不能聞善知識遠離
 假使四大洲為彼轉輪王七寶皆具足
 圓滿千子眾富貴大自在勇猛復威嚴
 一切所歸依悉恭敬稱讚盡一生勝報
 是等亦無常彼壽限既終善惡業隨受
 雖富有珍寶勇猛大威德壽命若盡時
 自力不能救尊者如我說一切無所依
 唯諸佛如來是實所歸仗如父復如母
 能養育出生平等而愛憐一切皆如子
 譬言日月光明普照諸冥闇所有輪迴苦
 斷滅令不生拔彼煩惱根使離諸怖畏
 普令有情類證無上菩提宣說正法門
 令住不退轉
 世間飲食等無利生過失不得生諸天
 非為可愛果於世間無樂當招極苦報

法華經疏

卷第十

曲字

損減於壽命造不善業因生富樂貪愛
 不能了無常不造寂勝業不了知妙法
 不念離過失不住寂靜心壽命既盡已
 諸趣受諸苦無常杖所打五欲繩所縛
 苦惱而轉增業報不能脫過去業所照
 無救無所依當識法滅時徒增悲惱怖
 我寧以珍寶金銀及玻璃廣施一切人
 終不生怯惜我寧以身力為他人僕使
 設經彼長時終不生疲倦若起貪愛想
 廣集諸珍財及飲食上味我即生怖畏
 願尊者諦聽如我等所言假使彼諸天
 受勝妙樂報以諸妙寶器盛種種上味
 甘美復馨香食者生適悅益天人身分
 色力及威力彼受報若終一切皆非實
 以是故我等不愛樂飲食唯樂正法門
 求解脫眾苦遠離貪愛縛得自在無礙
 歸依佛世尊大仙真聖者汝尊者大智
 我恭敬頂礼具廣大慈悲眾生皆樂見
 汝名字何等願尊為我說若見聞隨喜
 得諸根清淨
 今時藥王軍菩薩復說伽陀答初生
 者言
 汝今欲聞我名字 彼一切名唯佛知

法華經疏

卷第十

百千俱胝眾初生 彼名一一佛能了
 彼初生者又說伽陀曰
 我曾從佛親聽受 初生久生一切名
 唯汝名字最甚深 未曾聞佛為廣說
 是時藥王軍菩薩復說伽陀答初生
 者言
 當知我名字號為藥王軍妙藥救眾生
 是故得其號一切眾生類種種病所纏
 我以方便門隨順而救濟貪為病最
 惱害於世間由此病為因而生諸過失
 瞋病如大火焚燒寂靜心唯甘露法藥
 能除諸苦惱癡病大可怖覆沒智慧心
 死墮惡趣中不得聞正法由此三種病
 展轉諸病生益愚癡闇冥我皆施法藥
 普令離過失滅一切業因息苦惱不生
 永絕諸怖畏既得離諸病速見正覺尊
 因我妙醫王應病而授藥一切有情類
 常為火所焚熾然不能息轉生諸苦惱
 貪欲為重擔無有解脫時瞋癡法亦然
 展轉增過失雖常負重擔不求解脫門
 復不念無常不思出離道煩惱業隨逐
 苦惱亦不知眾病逼其身不能求妙藥
 由無明因故諸行即隨生行等法既起

貪愛生過失諸行不究竟一切法皆空
無智不能知無由生正念不修寂靜行
識滅苦惱增經無數劫中不能得解脫
佛出現於世為彼天人師如父母愛子
開示正覺道復雨大法寶普濟諸群生
除彼邪智人不攝受正法發菩提心者
得入正法門了一切行空於空亦無礙
若了空無我一切無所依諸煩惱亦空
遠離諸過失

爾時諸初生者復說伽陀言

菩薩大悲者普救諸眾生精進大醫王
長時無懈倦念彼輪迴苦以功德攝持
我諦信歸依起勇猛精進

爾時藥王軍菩薩復為說伽陀曰

汝等今當知佛為最上尊世間出世間
福智皆具足具三十二相及眾好莊嚴
以寂上大悲廣度諸群品佛威容高顯
猶如妙高山智慧無有窮復如彼大海
善開諸方便隨順化眾生瞻禮隨歸依
皆得安樂果

爾時月上境界如來出如迦陵頻伽
清妙音聲普聞十方又從面門出八
萬四千種種色光所謂青黃赤白紅

紫碧綠如是光明廣大熾盛普照三
千大千世界所有三十二大地獄蒙
光所照皆悉破壞諸天宮殿光所照
處廣大明耀如是光明照於三千大
千世界已復於光中出一切眾生所
有樂具現於虛空作如是變化已其
光旋還繞佛七帀復從彼佛頂門而
入爾時藥王軍菩薩復從座起合掌
恭敬白彼佛言世尊何因緣故如是
重復放大光明普照世界爾時彼佛
告藥王軍菩薩言善男子我於今日
作大佛事今此會中有諸眾生得大
利樂以是緣故重復放光藥王軍菩
薩復白彼佛言我有所疑欲當請問
唯願世尊為我開決彼佛言善男子
如汝所疑當恣汝問藥王軍菩薩言
世尊何故此會諸初生者世尊為現
種種希有等事復為宣說微妙法門
諸久生者云何世尊不皆如是豈此
等類於佛正法不能了知彼佛言善
男子汝今何故作如是言於如來前
而伸請問此不得名柔順等語何以
故如來於諸眾生平等化度隨順方

便而為說法諸有聞者皆獲利益具
足得入諸摠持門一切功德皆悉成
就爾時虛空中復有無數廣大殊妙
七寶樓閣現於佛上是時彼佛告藥
王軍菩薩言善男子汝今見此殊妙
樓閣不藥王軍菩薩答言已見世尊
彼佛言汝今當知此等皆是諸初生
者所共變現何以故此諸初生者皆
於是日圓滿一切善法又復我於今
日擊大法鼓有無數天人得法具足
無數地獄眾生得離苦惱復有無數
眾生墮生正念歸依佛智皆得解脫
彼佛說是語時會中有九萬九千俱
胝久生眾生證得須陀洹果得法具
足斷除業障遠離眾苦如此等類皆
從如來正法出生

爾時東方有五十俱胝殑伽沙數諸
菩薩眾來入彼會南方有六十俱胝
殑伽沙數諸菩薩眾來入彼會西方
有七十俱胝殑伽沙數諸菩薩眾來
入彼會北方有八十俱胝殑伽沙數
諸菩薩眾來入彼會下方有九十俱
胝殑伽沙數諸菩薩眾來入彼會上

大集法經第五 第十八卷 卅字

方有百俱胝。旃伽沙數諸菩薩。眾來入彼會。是時藥王軍菩薩。白彼佛言。世尊云何。虛空周匝。皆作赤黑二色。彼佛言。善男子。汝今不知。如是因緣。答言。世尊。我不知。彼佛言。唯佛如來。而自知。察善男子。汝今當知。諸方世界。各有若干俱胝。旃伽沙數諸菩薩。眾來入佛會。如是諸菩薩。眾隨方來。已從空而下。住立佛前。禮彼佛足。各住一面。是時藥王軍菩薩。白彼佛言。世尊。何因緣。故又復有此大菩薩。眾而來集會。彼佛言。善男子。此諸菩薩。大衆集會。皆以初生者。為緣而起。發故。彼佛作是言。時所有會中。諸初生者。即時皆得諸法。具足安住。十地。又復彼佛會中。無數修菩薩行者。皆得安住。諸菩薩法。得大神通。見聞隨喜。一切衆生。皆獲利樂。諸有已住。菩薩地者。不復退轉。增勝堅固。菩薩行法。佛說此經。已普勇菩薩等。諸大菩薩。阿菴憍陳如等。諸大苾芻。乃至世間天人。阿修羅等。一切大衆。聞佛所說。皆大歡喜。信受奉行。

佛說大集會正法經卷第五

大集法經第五 第十八卷 卅字

佛說大集會正法經卷第五

校勘記

- 一 底本，金藏廣勝寺本。
- 一 二五八頁中五行第九字「增」，[資、普、經、清]作「憎」。
- 一 二五九頁上六行「二世」，[南、清]作「此世」。
- 一 二五九頁中一八行「善如識」，諸本作「善知識」。
- 一 二六〇頁上七行「三法」，[資、磧、普、麗]作「二法」。
- 一 二六〇頁下一四行「又白」，[南、經、清]作「各白」。
- 一 二六三頁上九行「遠離」，[磧、普、南、經、清]作「還離」。
- 一 二六三頁上二二行「面門」，[資、磧、普]作「西門」。